

復次比丘知業果報觀第三地華鬘阿脩羅王所受業報以何業故生第三地彼以聞慧見此衆生因節會日相撲射戲擲捕圍碁種種博戲因此事故行不淨施無心無思亦無福田是人身壞墮於惡道生遊戲行阿脩羅中壽七千歲以人中七百歲於阿脩羅中一日一夜如是壽命滿七千歲亦有中夫命亦不定

復次比丘知業果報觀察思惟華鬘阿脩羅王即以聞慧知此阿脩羅王以食施於破戒病人心無淨思以此業緣生阿脩羅中於鉢毗羅城作阿脩羅王名曰華鬘其所食味如天所食須陀之味一切樂具如前所說

十業

初九

正法念處經卷第十九
珂苦何置上子斜反堰於獻罽吾各遂雖
反苦究上音救下音古壑宅鉞音牟鎧遂
反苦殄上音徒亢上音苦狹侯夾滂與郎到反

葦星上音遂反魚研華霹靈上音覓反
羞音初闕蓋二同音鎗音鉀音曾上音甲下音
前音苗上音相撲下音擲音蒲居反

正法念處經卷第二十

初十

畜生品第五之三

元魏婆羅門瞿曇般若流支譯

復次比丘知業果報觀於第四阿脩羅地彼以聞慧見有畜生阿脩羅地在三地下二萬一千由旬名曰不動其地廣博六萬由旬城名鉢毗羅縱廣一萬三千由旬莊嚴妙好阿脩羅王名鉢呵娑阿脩羅衆各一切忍是阿脩羅王於諸阿脩羅中得勝自在安樂勇健光明威德自在無畏尚不畏於帝釋天王況於餘天有大力勢放逸憍慢住一切地下從此以下更無住處是阿脩羅王所住之處摩

尼寶珠以為其地心常歡悅如人節會喜樂
 自娛多諸愛慢以眾蓮華流泉浴他周遍莊
 嚴鈴毗羅城七寶宮殿以為莊嚴離諸怨敵
 互相親善無他怖畏受第一樂此第四地鈴
 毗羅城園林流池蓮華莊嚴七寶宮殿端嚴
 殊妙如星處空端嚴殊妙亦復如是伽他頌曰

心能造作一切業 由心故有一切果
 如是種種諸心行 能得種種諸果報
 心為一切巧畫師 能於三界起眾行
 為心所使遍諸趣 處處受生無窮已
 心為繫縛解脫本 是故說心為第一
 為善則能得解脫 造惡不善則被縛

如是心意使眾生 流轉行於三界海
 愚癡愛結自在故 心使眾生流轉行
 不能到彼涅槃城 如生盲人失正路
 如是眾生作種種業是故彼城受種種報是
 第四地於其城外園林流池周匝圍遶河泉
 蓮華眾鳥異類莊嚴第四阿脩羅地所住之

處一切忍阿脩羅等勇健無畏第一端正莊
 嚴其身共相娛樂不相惱亂心常悅樂猶如
 節會與眾姝女種種莊嚴一一徒眾眷屬圍
 遶或百或千遊戲娛樂其地皆以摩尼真珠
 以為姝女光明晃耀諸阿脩羅恭敬尊重鉢
 呵娑阿脩羅王瞻仰無厭雖受樂報無常敗散
 復次比丘知業果報觀一切忍阿脩羅王所
 受果報以何業故生於彼處即以聞慧見此
 眾生於人中時邪見覆心不識業果離佛法
 僧見第一精進持戒之人欲有所須來從乞
 求辛苦乞索乃施一食既施食已而作是言
 我施汝食有何福德我以癡故施汝此食汝
 下賤人不應出家以食施汝如以種子投之
 沙鹵如是難施身壞命終以此難施墮於惡
 道不淨布施以福田功德生於第一安樂之
 處眾寶莊嚴受畜生報生不動界作阿脩羅
 名一切忍謂與天等勝餘一切阿脩羅王一
 切樂具皆悉具足以施福田得如是報非自
 知_二

心生

復次比丘知業果報觀一切忍阿脩羅衆業及果報以何業報生一切忍阿脩羅地即以聞慧知此衆生愛著美味住林樹間護此林樹非爲衆生自活命故非有悲心爲自利益身命因緣護一切林以是因緣身壞命終生一切忍阿脩羅中

復次比丘知業果報觀阿脩羅與天共鬪即以聞慧觀法行龍王住戲樂城龍王頂上有七頭其名曰婆脩吉龍王德叉迦龍王跋陀龍王樓醯龍王雲鬘龍王婆都龍王一切道龍王鉢呵娑龍王婆利沙龍王此諸龍王正見順法樂離放逸如上所說時不順法非法惡龍王鉢摩梯龍王毗謀林婆龍王迦邏龍王睺樓睺樓龍王等既爲如法龍王所壞即走往趣第一住處雙遊戲阿脩羅所作如是言速來速來同伴當知婆脩吉龍王德叉迦龍王及四天王破壞我等汝今是我之所親

友何不相助時遊戲阿脩羅聞是語已即詣光明城至羅睺阿脩羅所到已具說上事若羅睺阿脩羅王知世間人修行正法供養沙門知恩報恩語鉢摩梯等惡龍王言且住一月遮彼婆脩吉德叉迦龍王我當告彼第二住處阿脩羅王無惱汝等廣說如上時陀摩睺阿脩羅聞是語已入星鬘城至阿脩羅王所作如是言大王羅睺阿脩羅王遣使告我作如是言婆脩吉龍王德叉迦諸龍王及四天王惱亂鉢摩梯時第二地勇健阿脩羅王聞是事已即自觀察有力無力若閻浮提人修行正法供養沙門及婆羅門自知無力若彼使言天有大力所以者何閻浮提人修行正法我今當往告第三處爲一切行阿脩羅廣說上事時勇健阿脩羅即往告彼第三住處阿脩羅衆時一切行阿脩羅聞是語已入鉢毗羅城至華鬘阿脩羅王所復說上事華鬘阿脩羅王即觀閻浮提人若有供養沙門

婆羅門者告一切行阿脩羅言我當告彼第

四住處阿脩羅等時第三地阿脩羅即向第

四地阿脩羅所說如是言婆脩吉德义迦與

四天王共破我伴諸龍王等我今當為彼諸

天眾作大衰惱時第四處阿脩羅眾聞是語

已即向鎗毗羅城至鉢呵娑阿脩羅王所時

鉢呵娑告諸阿脩羅何故速行即答如上時

鉢呵娑告諸阿脩羅眾羅睺阿脩羅等無所

能為令四天王破壞鉢摩梯諸龍王等世間

順法供養沙門及婆羅門何所能為我能壞

之時鉢呵娑阿脩羅王至大眾阿脩羅所告

言速疾莊嚴我今欲往娑脩吉德义迦等四

天王所破其軍眾時諸阿脩羅王以無等力

率諸軍眾與天共鬪時鉢呵娑阿脩羅王告

諸阿脩羅言汝等何故無有勇力不能破彼

諸龍王等而自破壞我今當往自以身力破

彼龍天時鉢呵娑阿脩羅王勅其軍眾速疾

莊嚴執諸器仗我今不久與天共鬪汝等先

初十

四

見與天怨敵不久當發我已告諸阿脩羅眾

天不可忍當與彼戰時諸阿脩羅知是事已

即自莊嚴種種器仗是時大力波羅呵娑阿

脩羅王自以勇力大心無畏不量自力他力

優劣自出其城至第三地詣鎗毗羅城到華

鬘阿脩羅王所時鉢呵娑阿脩羅王與無量

億那由他諸阿脩羅到華鬘阿脩羅所作如

是言速起速起為鬪戰故我等能破婆脩吉

德义迦等諸龍王及天王等時華鬘阿脩羅

王聞是語已告諸軍眾今非鬪時所以者何

閻浮提人孝養父母恭敬沙門修行正法以

是事故天有大力是故我今非是鬪時時鉢

呵娑阿脩羅王聞華鬘阿脩羅王說是語已

告言速起速起我能獨破婆脩吉等及諸天

眾何況汝等為我同伴時華鬘阿脩羅王聞

其所說威力增長心生歡喜及其無量億那

由他阿脩羅眾詣第二地時鉢呵娑阿脩羅

王勇健阿脩羅王華鬘阿脩羅王相隨往詣

羅睺阿脩羅所告言速起速起阿脩羅王爲
鬪戰故破諸天故時羅睺阿脩羅王告諸阿
脩羅王言我等今者非是鬪時所以者何鬪
浮提人孝養父母恭敬沙門婆羅門生於天
上今天大力是故不得與天共鬪阿脩羅王
以非時故時諸阿脩羅王語羅睺阿脩羅王言

速起速起我爲鬪故而來至此欲與天鬪時
羅睺阿脩羅王即隨其意起欲往詣大海告
鉢摩梯惡龍王等說如是言諸阿脩羅王今
欲破彼婆脩吉德又迦諸龍王等時鉢摩梯
聞是語已心大歡喜即往婆脩吉德又迦所
告言汝來同伴汝今可出吾共沒戰往何處
鬪時婆脩吉德又迦龍王即出其城與鉢摩
梯惡龍共戰非法龍王破壞還退時無量億
阿脩羅衆速疾馳奔詣龍王所欲共鬪戰時
婆脩吉德又迦復出其城與阿脩羅在大海
上交陣鬪戰不可稱說於虛空中或雨大火
或雨刀戟互相攻伐愛毒自燒以愚癡故如

是鬪諍若鬪浮提人順法修行孝養父母恭
敬沙門婆羅門一法行龍則能獨破一切阿
脩羅軍若世間人行法者少則阿脩羅勝法
行龍退若龍破壞即往詣於天使者所告言
速來速來一切阿脩羅衆悉來伐我我與彼
戰敗失不如時天使者聞是語已種種器仗
而自莊嚴向婆脩吉德又迦龍王所作如是
說我聞汝爲阿脩羅王之所破壞是故至此
破阿脩羅軍時天使者與龍王俱詣阿脩羅
所欲共鬪戰時羅睺阿脩羅王聞是事已亦
向天所在大海上列陣而戰若世間人順法
修行時天使者即能速疾破阿脩羅衆時阿
脩羅既被破已還其宮城時第二地阿脩羅
衆聞是事已告諸軍衆汝等勿怖我身尚在
能討彼天汝何所畏時阿脩羅即復疾走詣
天使者與大鬪戰於大海中交陣共鬪天復
得勝壞阿脩羅軍阿脩羅軍既被破壞時第
三地阿脩羅衆聞其被破即向天所與天共

戰逆互相害若天破壞即向護世四天迦留
 天所作如是言提婆天王速疾馳赴阿脩羅
 眾燒亂我等時迦留天持諸器仗即往詣彼
 阿脩羅所時阿脩羅見天眾來生大瞋恚疾
 詣天所與迦留天眾合陣大鬪見者毛豎一
 切世間鬪戰大者無過天與阿脩羅戰無可
 喻者若諸世間順法脩行迦留天則得大
 勝壞阿脩羅如是諸天與阿脩羅無量大眾
 鬪於大海無可喻者以法非法因緣力故有
 勝有退非其自力若迦留天為彼所壞時護
 世天即往告彼鬪持天眾時鬪持天與迦留
 天及天使者及德叉迦婆脩吉等無量大眾
 和合共集時羅睺阿脩羅王任光明城第一
 地雙遊戲阿脩羅陀摩睺阿脩羅與無量億
 那由他阿僧祇阿脩羅眾同為一軍與天共
 鬪不可稱說若世間人順法修行天眾則勝
 阿脩羅軍退散破壞一切皆由法之力勢令
 天得勝不由非法若無順法行人則阿脩羅

勝護世四天見是事已往詣常恣意天所作
 如是言速疾莊嚴阿脩羅軍勝於天眾常恣意
 天聞是語已與無量百千天眾持種種器仗
 欲詣大海與阿脩羅鬪住大海中厲聲大叫
 欲望速破阿脩羅軍更互合戰經於多時大
 惡鬪戰無量苦惱若阿脩羅為天所破即往
 向彼羅睺阿脩羅所具說上事時羅睺阿脩
 羅王安慰諸阿脩羅言汝今莫怖汝今莫畏
 我有大力能壞天眾天力劣弱我力勝彼阿脩
 羅汝等可迴諸阿脩羅聞羅睺阿脩羅王說
 是語已即復還迴欲與天鬪是時諸天與阿
 脩羅列陣大戰無量刀戟互相打斫如是大
 戰時第一地雙遊戲阿脩羅第二地陀摩睺
 阿脩羅與諸天眾對敵共戰若諸世間不順
 法行阿脩羅勝天眾則退若諸世間修行正
 法天眾則勝悉能破壞阿脩羅軍如是法者
 是天勝幢法為第一法為能救若行非法行
 非法者非法不救一切阿脩羅行非法故天

作是念阿脩羅王惱亂我等既不勝天不與天等何以故閻浮提人孝養父母隨順法行恭敬種姓耆舊有德淨修八齋布施持戒修行福德不行放逸不近惡友是人命終生於天上阿脩羅非法無法救護一切天衆思惟是已時天使者鬘持天常恣意天一切天衆持天法幢速疾馳往向阿脩羅軍而語之言住住阿脩羅我住天中汝等何故數惱我等汝既不能勝諸天力又非第一非汝兵戈能勝諸天我今爲欲破汝軍衆故來至此以汝惡心於諸天故不得至汝所住宮城以汝一切不行正法不得安樂不得寂滅如是說已直趣其所一切決勇兩大刀戟婆脩吉等兩大炎火墮阿脩羅軍時阿脩羅見是事已即喚鉢摩梯諸惡龍等汝爲我伴當與德叉迦婆脩吉大龍王等兩火共戰時鉢摩梯聞是語已即走往趣婆脩吉所時二部龍兩火相燒天與阿脩羅大興鬪戰天復得勝破阿脩

羅軍時阿脩羅皆共相率往至羅睺阿脩羅所憂感憔悴以求救護羅睺阿脩羅王見是事已安慰之言勿怖勿畏以有我故若獨一身尚不畏彼帝釋天王況有汝等以爲翼從諸天劣弱何所能爲汝何所畏我今當告大仙勇健阿脩羅王華鬘阿脩羅王鉢呵娑毗摩質多羅阿脩羅王等爲彼說已我當自往破彼天衆時羅睺阿脩羅王即往告彼三地阿脩羅王到其所已說如是言一切天衆四天王天皆共和合來至我所與我共鬪今當思惟設何方便破彼諸天時諸阿脩羅聞是語已即答羅睺阿脩羅言我當莊嚴與彼三十三天王帝釋共戰汝今可去天當破壞阿脩羅勝時羅睺阿脩羅王即往戰處欲與天鬪時諸阿脩羅衆向羅睺阿脩羅王說言大王天有大力天有大力不可共戰時羅睺阿脩羅王即趣天衆兩諸刀戟與天共戰是時諸天見阿脩羅兩諸刀戟使龍兩火疾走往趣

欲破羅睺阿脩羅軍天兩劔戟猶如金剛交陣鬪戰不可稱說若閻浮提人順法修行孝事父母供養沙門及婆羅門恭敬耆舊天衆則勝阿脩羅軍退沒不如若諸世人不順法教天則退弱阿脩羅勝如是法力非法力故天與阿脩羅無等鬪戰若阿脩羅勝天衆破壞一切天衆互相告曰提婆提婆當念於法以有法故天衆得勝以法因緣天得增長是故諸天當起信敬思惟念法復往趣彼阿脩羅軍一切天衆以念法故爲法所護光明威德皆悉增長勝前百倍時阿脩羅見諸天衆光明威德即生怯弱告諸軍衆汝今何故生怯弱心天之威德不與吾等及其刀戟兵刃相撲吾悉勝彼汝今何故而生怯弱時諸軍衆聞阿脩羅王安慰之音氣力增長是時羅睺阿脩羅軍還向天衆時諸天等身得法力速疾馳奔向阿脩羅交陣大戰時大力羅睺阿脩羅王處其軍中猶如第二第弥山王天

初十

九

以法力即破羅睺阿脩羅軍諸救護中法爲第一一切光明法光第一時羅睺阿脩羅見其軍衆破壞退散皆悉怯弱阿脩羅王復安慰言汝等阿脩羅勿怖勿怖何故丈夫怯如烏鳥自於已舍云有勇健是大丈夫汝等亦皆解知論法無所畏懼曾已具見無量軍衆破壞退散汝今何故而生恐怖時諸阿脩羅聞安慰已心生歡喜以憍慢故即迴復反欲與天鬪時羅睺阿脩羅王以憍慢心在其軍前一切阿脩羅依止羅睺羅睺所護以羅睺王爲最第一一切阿脩羅皆往向彼四天王所諸阿脩羅以依羅睺阿脩羅力得生氣力羅睺阿脩羅王在我前行此王之力尚能破彼釋迦天主況四天王即復對敵兩諸刀戟又兩大石猶如大山從空而下欲壞天衆時護世天見羅睺阿脩羅王兩大石山告諸天衆羅睺阿脩羅王兩大石山汝等當兩刀戟鋒稍莫今天衆得大衰惱時護世天說是語

已及諸天衆直趣羅睺阿脩羅王共羅睺阿脩羅合陣大戰兩刀兩石從空參下墮大海中令海涌沸天雨刀劍傷害海中無量百千衆生之類或死或怖逃走畏避遍大海中皆生泡沫羅睺阿脩羅與天共戰餘天阿脩羅見是事已皆作是念未曾有也天與阿脩羅如是大戰戰鬪不止若世間人修行順法一切阿脩羅多諸技術刀稍矛劍大力勇健心無所畏雖有此術即時破壞若世間人不順正法羅睺阿脩羅王則勝天衆是故法爲第一法爲最勝一切諸法非無因緣若羅睺阿脩羅王破壞失力諸阿脩羅皆悉愁悴厭離鬪心時羅睺阿脩羅王見諸軍衆皆悉愁悴生厭離心而告之曰阿脩羅莫自愁悴令心劣弱勿怖勿怖我若與汝至本宮城不安樂住莫作是意欲還宮城奮迅威武令增身力迴詣戰場莫歸本處時阿脩羅聞是語已復往趣彼四天王所更共鬪戰兩大石山雷電

初十

十

澍雨黑雲靉靄列陣大鬪見者毛豎天復得勝破阿脩羅軍一切諸阿脩羅作是思惟天有大力我當歸彼第二住處星鬘城中阿脩羅王以求救護利益安樂破諸天衆彼城之中有阿脩羅王名曰勇健自性勇健已曾百千與天共戰乃至天主釋迦提婆彼亦能勝如是阿脩羅勝過一切思惟是已皆共往詣勇健阿脩羅所說如是言阿脩羅王天衆大力羅睺阿脩羅王與之共鬪不能令伏今可疾往以力利益爲作救護佐助勝力王若執仗帝釋天王亦不能壞阿脩羅軍況餘天衆王曾伏彼於諸鬪戰阿脩羅中得大名稱速疾詣彼馳奔急趣手執兵戈奮動武器與天共戰破彼天衆汝先已曾百千破彼金剛之手於彼天中汝以勝力奮威振武時阿脩羅王聞是語已即向華鬘阿脩羅毗摩質多鉢呵娑阿脩羅所作如是言天軍力勝破壞羅睺阿脩羅王及其軍衆王今聽我與天共鬪

今我得勝時華鬘阿脩羅王毗摩質多羅阿脩羅王鉢呵娑即告勇健阿脩羅曰速去速去我為汝伴能壞天眾汝助羅睺阿脩羅王則能破壞一切天眾況四天王時勇健阿脩羅王聞是語已即向羅睺阿脩羅所為助戰故時諸阿脩羅眾見勇健未皆大歡喜悉生

初十

十一

勇力手執武器刀鈔箭稍直詣天眾設諸闢具箭如雨墮時天見此二阿脩羅將大軍眾各作是言此阿脩羅如是數數無有羞耻來惱天眾以畜生故我數破之猶來不止作是說已牢自莊嚴奮迅勇力向阿脩羅軍欲共交戰時勇健羅睺阿脩羅王見天眾已作如是言天今下此必共戰諍我當與天列陣大戰時二阿脩羅王籌量此已速疾往詣四天王所決意欲闢各望得勝若日在天後阿脩羅軍日在其前以日光明照其目故不能加害亦不能兩刀仗劔戟不能以目正視諸天各各相謂日光晃昱照我眼目是故不得與

天鬪戰是時羅睺阿脩羅王即以一手障彼日光是第三因緣世人見已以愚癡心咸作是言今者日蝕或言當豐或說當儉或言水灾或言旱災或言王者吉凶災祥或言眾人病疫無疫如是無實妄生分別不如實知隨愚癡說如是羅睺阿脩羅王障蔽日光而語勇健阿脩羅言天今易見天今易見可以刀劔種種武器兵戈矛戟破彼諸天勇健阿脩羅王在其前面速疾馳走兩諸刀戟向諸天所天眾見之莊嚴種種戰鬪之具亦疾往趣勇健阿脩羅王兩眾武器刀劔矛稍向鬘持天鬘持天眾見是事已讚言善哉善哉阿脩羅王我諸天眾數數破汝而汝無耻不生厭心我以法力以行法故以歸法故以修法故不離法故是故我勝汝多貪故貪著他物望為已用多行貪故汝無法行云何於此十善業道順法諸天欲望破壞黑闇不能覆障光明明力勝故勇健阿脩羅王聞是說已告諸

天曰何須多言我見汝等神通威德不能忍之我等自依己力破壞天衆以見諸天威德勝故不能忍之作是語已直前往趣鬘持天所時鬘持天見是事已兩種種箭射阿脩羅身無空鼓處當於勇健阿脩羅上兩衆刀劍時鬘持天告阿脩羅曰何故多貪阿脩羅汝

初十

十二

以惡業而自破壞何用與天共相攻伐非法不能破壞如法我不爲汝作諸衰惱汝等何故數惱天衆雖作此說然阿脩羅猶復馳奔走趣天衆時鬘持天告婆脩吉德又迦等諸龍王曰今此勇健阿脩羅王以憍慢故自恃己力猶不調伏汝今可於阿脩羅上降注大火令彼失力破壞還退時婆脩吉聞是語已即於空中兩大猛火烧鉢摩梯諸惡龍等復疾走趣勇健阿脩羅上放大熾電霹靂猛火雨阿脩羅軍時阿脩羅王被龍火已生大瞋恚手擎大石廣八百里擲鬘持天時迦留天見是事已即兩大火燒滅此山是時勇健阿

脩羅王見山被燒即失威力告諸天曰此山已然我當更以大山擲汝身上今時勇健阿脩羅王手擎大山復欲擲天時諸天衆告阿脩羅言汝旣無法而作非法不能壞我我住正法汝住非法諸天如是毀咎阿脩羅王是時羅睺阿脩羅王聞是語已將諸軍衆疾走

向天天衆見已皆亦馳赴欲與阿脩羅維交陣大戰以諸兵刃種種刀戟戈矛箭稍互相攻伐天說法已誠心意念歸命三寶直趣阿脩羅軍天衆旣至阿脩羅軍皆悉退散爲百千分欲向海下非法惡龍鉢摩梯等語阿脩羅言勿怖勿怖汝今捨我欲何所至德又迦婆

初十

十三

脩吉諸龍王等我能遮之汝當獨與諸天共聞破諸天衆汝若畏者汝本何故自出宮城來至於此汝不自審力之強弱何故乃與諸天作怨若汝捨怨還本宮城我等龍衆爲何所趣德又迦婆脩吉是吾怨家我何所趣時阿脩羅聞是語已復還天所與天共聞時諸

惡龍不能遮彼如法龍衆阿脩羅軍尋復退
散還歸海下入本宮城時阿脩羅見其軍衆
如是破已遣阿脩羅向第三地華鬘阿脩羅
所白言大王速起速起天衆力勝破壞一切
阿脩羅軍分散四趣逃避迸走大王久已與
天共戰得大名稱今亦如是當起厲意破諸
天衆王若去者帝釋天王不能爲敵況餘天
衆是時華鬘阿脩羅王聞是語已思惟善量
即與無量億阿脩羅衆而自圍遶以種種器
仗刀戟鈇稍牢自莊嚴往詣戰場大聲震吼
聲滿十方時羅睺阿脩羅王見是事已語勇
健阿脩羅言華鬘阿脩羅王今來向此益我
威力破諸天衆汝今可迴汝今可迴華鬘阿
脩羅來我今大力軍衆聞已還詣戰場欲與
天鬪時四大天王語阿脩羅言汝畜生法天
數破汝而復還迴汝愚癡心自失軍衆說是
語已向阿脩羅衆速疾馳走華鬘阿脩羅見
諸天來吉其軍怨汝等阿脩羅勿怖勿畏與

天共戰何故聚住破彼夫衆莫生怯弱以有
我故汝何所畏獨我一身能壞諸天何況勇
健阿脩羅王爲我朋侶師子兒羅睺阿脩羅
王爲我同伴汝等鬪戰莫生怖畏莫生怖畏
增長威力破彼諸天令阿脩羅增長得勝奮
怒大力與之共戰時華鬘阿脩羅如是勅已
即與諸阿脩羅往詣鬘持天常恣意天迦留
足天三笠篋天所住之處毗瑠璃地周遍嚴
飾心生喜悅而作是說我等不須三十三天
帝釋天王能數數壞阿脩羅軍以法力故以
法爲伴時阿脩羅處在大海遍於海上欲與
天鬪集在大海是時諸天見阿脩羅大衆集
已各共議曰一切第三地華鬘阿脩羅宿大
力者今皆來集說是語已阿脩羅衆皆至其
所時天見已即告阿脩羅曰虛來至此望壞
天衆我有大力何以故閻浮提人隨順法行
孝養父母供養沙門婆羅門喜樂善法修行
善法命終生天是故我今勝於汝等有大力

初十

十四

勢第一無比我等如法順法修行不惱汝等
汝行非法惱亂我等時阿脩羅聞是語已不
受天語即與天鬪時諸天等從其所住滿虛
空中從空而下欲破阿脩羅軍兩軍交戰聲
震大海魚鼉鼉摩竭大魚那迦鰩魚心皆
大怖散為百分或百千分天等大鬪雨諸器
仗矛稍刀戟天與阿脩羅如是大戰時華鬘
阿脩羅王告諸天曰前軍鬪戰我時未至今
汝破之我今至此當摧汝衆獨我一身能伏
帝釋何況汝等四天王衆是故我能破汝天
衆就是語已即向鬘持天時迦留天見其來
已即向華鬘阿脩羅所時阿脩羅欲敬其軍
於大海邊拔取大石方四百里或三百里或
二百里或一百里或一由旬大火熾然欲以
此山擲迦留天時天見之即歸三寶思惟念
法以箭射之碎如沙末墮大海中時阿脩羅
見事無功即取大戟與迦留天對敵共戰天
既見已於虛空中雨金剛電碎其刀戟阿脩

初十

十五

羅軍悉皆散壞時勇健阿脩羅王復走往趣
常恣意天欲共鬪戰取大圍山名波利佉廣
五百由旬告諸天曰我今破汝一切諸天令
汝天衆至閻羅王所說是語已直向常恣意
天時護世天見是事已接取圍山以打阿脩
羅即時破壞走入海下還本住處時諸軍
衆見阿脩羅退陸羅睺阿脩羅軍皆亦散走
困乏垂死還入本處時羅睺阿脩羅及其軍
衆復疾往趣三瑩篋天自以已力欲與鬪戰
諸天見已於羅睺阿脩羅上兩大猛火燒阿
脩羅軍阿脩羅王及其軍衆退走散壞還歸
海下是時諸天見阿脩羅軍皆悉退散心大
歡喜阿脩羅王憂感愁惱丈夫之力皆悉散
壞還走水下從門而入欲求救護求歸依處
時諸天衆知阿脩羅悉入水下還本山頂住
毗瑠璃山恐阿脩羅還復來至此何以故毗
摩質多羅阿脩羅王鉢呵娑於阿脩羅中最
為大力第一最勝能救一切諸阿脩羅猶未

來此彼若破壞一切阿脩羅皆悉破壞說是語已皆大歡喜氣力增長皆共遙視阿脩羅軍決意欲戰時婆脩吉德又迦法行龍王破鉢摩梯等被傷殘餘還入戲樂城望鉢呵娑阿脩羅王破壞諸天救護我等若不能壞天還得勝天眾增長如是阿脩羅伴惡龍王鉢摩梯等愁毒苦惱住本城中阿脩羅軍亦復如是愁憂苦惱住於本處

十六末

正法念處經卷第二十

初上

晃曜上胡廣反沙鹵下音呼醯呼芳反謀氏林反厲音例鉢
稍上音呼刀鈔下音正迸走上音必

正法念處經卷第二十一

誡

元魏婆羅門瞿曇般若流支譯

畜生品第五之四

爾時毗摩質多羅阿脩羅王聞第三地華鬘阿脩羅王勇健阿脩羅王羅睺阿脩羅王被破失力時有阿脩羅語鉢呵娑音長軍眾被破

用如

無能救者唯汝有力能護彼軍鉢呵娑言汝速看彼三阿脩羅王今在何處阿脩羅王言今者悉為諸天所破還歸水底住於門下皆失勢力遙歸大王娑羅呵娑欲求救護望助其力羞慚愧耻於門下住不得入城時毗摩質多羅鉢呵娑聞是語已語阿脩羅言阿脩羅等與天共戰釋迦天主在中不耶阿脩羅言未曾來也時鉢呵娑聞是語已即大瞋恚眼赤如血奮其身力視阿脩羅作如是言唯四天王破壞三地諸阿脩羅令失勢力阿脩羅軍無所能為為彼一天之所破壞我今當往破一切天時鉢呵娑阿脩羅王作是語已諸阿脩羅皆有威力阿脩羅王勅諸軍眾速疾擊鼓我欲自出擊彼天眾今其破壞衰惱喪滅及帝釋王我獨能破天今破壞阿脩羅眾我不能忍若無我者得言諸天有大勢力我今猶存云何諸天能有大力欲望奪我阿脩羅女毗摩質多羅鉢呵娑說此語已擊大戰